



Broj: 05/2-11/3-2165-4/23
Velika Kladuša, 17.11.2023. godine

Na osnovu člana 69., člana 70. i člana 72. stav (3) tačka a) Zakona o javnim nabavkama BiH („Službeni glasnik BiH“, broj: 39/14 i 59/22) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka za nabavku radova uređenja nereguliranog korita pritoka rijeke Kladušnice (3 lota) – potoci Šiljkovača, Vidovska i Šumatnica, Općinski načelnik Općine Velika Kladuša, donio je

ODLUKU

o dodjeli ugovora drugorangiranom ponuđaču za LOT 1: Uređenje nereguliranog korita pritoka rijeke Kladušnice – potok Šiljkovača

1. Stavlja se van snage Odluka o dodjeli ugovora broj: 05/2-11/3-2156-1/23 od 31.10.2023. godine, te se ugovor o javnoj nabavci nabavku radova uređenja nereguliranog korita pritoka rijeke Kladušnice – potok Šiljkovača, dodjeljuje drugorangiranom ponuđaču I-SELIMOVIĆ d.o.o. Cazin, sa konačnom cijenom od 31.731,94 KM bez PDV-a.
2. Po pravosnažnosti ove Odluke Ugovorni organ dostavit će na potpis prijedlog ugovora izabranom ponuđaču.
3. Ova Odluka dostavlja se svim ponuđačima u postupku javne nabavke, u skladu sa članom 71. stav 2. Zakona o javnim nabavkama i objavit će se na službenoj web stranici Općine Velika Kladuša.

Obrazloženje

Na osnovu Plana javnih nabavki Općine Velika Kladuša za 2023. godinu, broj: 05/2-11/3-796/23 od 25.04.2023. godine, pokretnut je dana 20.09.2023. godine postupak javne nabavke radova uređenja nereguliranog korita pritoka rijeke Kladušnice (3 lota) – potoci Šiljkovača, Vidovska i Šumatnica.

Javna nabavka provedena je putem otvorenog postupka sa 3 lota, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14 i 59/22) Obavještenje o javnoj nabavci broj: 299-1-3-21-3-21/23 objavljeno je na Portalu javnim nabavki (ejn.gov.ba), dana 22.09.2023. godine. Procijenjena vrijednost nabavke iznosi 86.704,00 KM bez PDV-a, i to: LOT 1: 36.070,00 KM, LOT 2: 15.794,00 KM i LOT 3: 34.840,00 KM.

Krajnji rok za dostavljanje ponuda bio je 26.10.2023. godine do 13:00 sati, a javno otvaranje ponuda izvršeno je 26.10.2023. godine u 13:15 sati, što je kostatovano Zapisnikom sa otvaranja ponuda od 26.10.2023. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-2165/23 od 26.10.2023. godine konstatovala je da je Tendersku dokumentaciju preuzelo 7 (sedam) ponuđača, a da su nakon isteka krajnjeg roka za dostavljanje ponuda za LOT 1: Uređenje nereguliranog korita pritoka rijeke Kladušnice – potok Šiljkovača, pristigle 3 (tri) ponude od strane ponuđača, i to:

1. SAFIĆ ELECTRONICS d.o.o Velika Kladuša, sa ponuđenom cijenom od 36.070,00 KM bez PDV-a,
2. I-SELIMOVIĆ d.o.o. Cazin, sa ponuđenom cijenom od 36.070,00 KM bez PDV-a i
3. 15. APRIL d.o.o. Velika Kladuša, sa ponuđenom cijenom od 31.763,70 KM bez PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude svih ponuđača ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu e-aukcije.

E-aukcija koja je predviđena u ovom postupku nabavke zakazana je za 31.10.2023. godine. Uvidom u Izvještaj o toku i završetku e-aukcije od 31.10.2023. godine utvrđeno je da je ista trajala od 11:00 do 11:14 sati, te da je konačna rang lista ponuđača koji su učestvovali u e-aukciji slijedeća:

1. SAFIĆ ELECTRONICS d.o.o Velika Kladuša, sa konačnom cijenom od 31.500,00 KM bez PDV-a,
2. I-SELIMOVIĆ d.o.o. Cazin, sa konačnom cijenom od 31.731,94 KM bez PDV-a i
3. 15. APRIL d.o.o. Velika Kladuša, sa ponudnom cijenom od 31.763,70 KM bez PDV-a.

Općinski načelnik donio je 31.10.2023. godine Odluku kojom se ugovor o javnoj nabavci radova uređenja nereguliranog korita pritoka rijeke Kladušnice – potok Šiljkovača SAFIĆ ELECTRONICS d.o.o Velika Kladuša, sa konačnom cijenom od 31.500,00 KM bez PDV-a, koja je dostavljena svim ponuđačima u postupku javne nabavke.

Tačkom 5.1.8. Tenderske dokumentacije određeno je da dokumenti navedeni u tački 5.1.4. (lična sposobnost ponuđača) moraju biti zaprimljeni kod ugovornog organa u roku od 5 (pet) dana od dana prijema Odluke o izboru najpovoljnijeg ponuđača, u radnom vremenu ugovornog organa najkasnije do 16:00 sati, te za ugovorni organ nije relevantno na koji su način dostavljeni (lično, poštom itd).

Ponuđač SAFIĆ ELECTRONICS d.o.o Velika Kladuša zaprimio je 03.11.2023. godine Odluku od dodjeli ugovora broj: 05/2-11/3-2156-1/23, a dokaze o ispunjavanju uslova iz člana 45. Zakona dostavio ugovornom organu 13.11.2023. godine (deseti dan po zaprimanju Odluke o dodjeli).

Članom 72. stav (3) tačka a) Zakona o javnim nabavkama BiH propisano je: „Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.“

Budući da je izabrani ponuđač SAFIĆ ELECTRONICS d.o.o Velika Kladuša zaprimio 31.10.2023. godine Odluku od dodjeli ugovora broj: 05/2-11/3-2156-1/23, a dokaze o ispunjavanju uslova iz člana 45. Zakona dostavio ugovornom organu 13.11.2023. godine (deseti dan po zaprimanju Odluke o dodjeli), što znatno premašuje ostavljeni rok od pet dana definisan tenderskom dokumentacijom, cijeneći naprijed navedene zakonske odredbe, odlučeno je kao u dispozitivu Rješenja.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

OPĆINSKI NAČELNIK
Fikret Abdić, dipl.ing.

DOSTAVITI:

1. Učesnicima u postupku, 3x,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.